

**ՄԱՔՐԵՆՔ ԱՍՏՈՒԾՈՅ  
ՏԱՃԱՐԸ՝  
ՄԵՐ ԱՆՉԵՐԸ**

Մեր անձերը եւս արժանացնենք աստուածային ողջոյնին՝ մեր ազատ կամքով, որովհետեւ Անոր տունն ենք եւ կ'արժանացնենք, եթէ բարեգործութեամբ զՔրիստոս մեր մէջ ընդունինք: Իսկ եթէ զգալութեամբ աւելնք եւ զարդարենք մեր անձերը, ինչպէս նաեւ աստուածային ողջոյնին հակառակ եղող ամէն բան՝ որպէս անպէտք աղբ դուրս թափենք, Բանը (Քրիստոս) ոչ միայն կը փճացնէ իր հակառակորդը եւ մեր մէջ կը բնակի, ինչպէս Մարիամին, այլ՝ Հայրը եւս իր հետ ներս կը բերէ, ինչպէս ըսաւ.- «Ան որ զիս կը սիրէ, խօսքս կը պահէ եւ Հայրս ալ զինք պիտի սիրէ. պիտի գանք եւ բնակինք անոր մէջ (Յովհ. 23): Ան որ իսկապէս կը սիրէ Յիսուսը՝ ճշմարիտ խաղաղութիւնը, երբեք չ'ըներ այն գործերը, զորս Բանը կ'ատէ, այսինքն ամէն տեսակի մեղքերն ու անկարգութիւնները՝ արծաթասիրութիւնը, ազահութիւնը, ատելութիւնը եւ ռիսակալութիւնը, անողորմութիւնն ու քինախնդրութիւնը, նախանձը եւ բամբասանքը, շնութիւնը, գողութիւնն ու սպաննութիւնը, որկրամոլութիւնը, զինովութիւնը եւ անոնց նման բոլոր այն արարքները, զորս կ'ատէ Յիսուս՝ խաղաղութեան տուիչը:

ԵՐԲ Կ' ՈՒՉԵՍ ԳԻՏՆԱԼ ԹԷ ԻՆՉՊԵՍ ԱՍՏՈՒԿԸ ԿԸ ՆԱԽԱԽՆԱՄԷ ՈՒ ԿԸ ՀՈԳԱՅ ԲՈՒՈՐ ԱՐԱՐԱԾՆԵՐԸ,  
Կարդա՛ Սաղմոս 36

+++++  
Ամբարիշտին սիրտին խորը բոյն դրած մեղքը կը յայտարարէ, թէ իրեն համար Աստուծոյ վախը գոյութիւն չունի: Այդպիսի կեղծ խօսքերով ամբարիշտը ինքզինք կ'օրօրէ, փոխանակ իր անօրէնութիւնը խոստովանելու եւ գայնատելու: Անօրէն եւ ինքզինք խաբող խօսքեր, որոնցմով ան կը լքէ իմաստութիւնը եւ բարի գործերը: Պատկած տեղը անօրէնութիւն կը խորհի, բարի փամբուն չի հետելիր, եւ չարէն չի հեռանար:

Տէր, բու սերդ երկինքին պէս անսահման է. հաւատարմութիւնդ՝ մինչեւ ամպերը կը հասնի: Արդարութիւնդ լեռներուն պէս բարձր է, դատաստաններդ՝ ովկեանոսներուն պէս խորունկ: Դուն է որ կը հոգաս մարդոց թէ անասուններուն կարիքները, Տէր: Ի՛նչ թանկագին է հոգածութիւնդ, ո՛վ Աստուած. բոլոր մարդիկ բու թեւերուդ հովանիին կ'ապաւինին: Քու տաճարիդ առատ օրհնութիւններով կը լիացնես զանոնք, շնորհներու բու գետեղ խմել կու տաս դուն անոնց:

ՇԱՐՈՒՆԱԿԵԼ ՍԱՂՄՈՍԱԳԻՒԲԷՆ

Սիրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

**ՀԱՍՅԷ.**

ՃՐԱԳ ԸՄԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,  
P.O.Box 80810 -Tel/Fax:01-258300- facebook-ի էջ jerak ճրագ թերթ



ԲՈՒ ԽՍՏԵՂ ԽՍ ՌՅԵՐՈՒՄ ԵՐԱԳ Է ՈՒ ԽՍ ԸԱԽԴՆԵՐՈՒՄ ԼՈՅՍ (Ս, 119-105)

ԺԳ. ՏԱՐԻ ԿԻՐԱԿԻ , 15 ՆՈՅՏԵՄԵՐ 2020 ԹԻԻ 46

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ  
Ես. 25.9-26.7: Փլպ. 1.1-11  
ՅԻՍՈՒՍ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍԻ 11.1-13

**ՅԻՍՈՒՍ ՔՐԻՍՏՈՍԻ ԱԲԵՏԱՐԱՆԸ  
ԸՍՏ ԴՈՒԿԱՍԻ 11.1-13**

Պատահեցաւ, որ Յիսուս տեղ մը կ'աղօթէր: Երբ աղօթելը վերջացուց, իր աշակերտներէն մէկը ըսաւ. «Տէր. մեզի աղօթել սորվեցուր, ինչպէս որ Յովհաննէս իր աշակերտներուն սորվեցուց»:

Յիսուս ըսաւ. «Երբ կ'աղօթէք, ըսէք. Հայր մեր երկնաւոր, սրբաբանուի անունդ. թող զայ արքայութիւնդ. թող կայարարուի քու կամքդ, ինչպէս որ երկինքի մէջ, այնպէս ալ երկրի վրայ: Ամենօրեայ մեր հացը շնորհէ մեզի օրէ օր: Եւ ներէ՛ մեր մեղքերը, քանի մենք ալ կը ներենք անոնց, որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք, այլ մեզ չարէն ազարէ»:

Եւ ապա շարունակեց. «Ենթադրենք թէ ձեզմէ մէկը բարեկամ մը ունի, որուն կը դիմէ գիշեր ատեն ու կ'ըսէ. "Բարեկամ, ինձի երեք հաց փոխ տուր, որովհետեւ ճամբորդ բարեկամ մը տունս իջեւանեցաւ եւ ես հրամցնելիք բան չունիմ": Անկիւս ներսէն կը պատասխանէ ըսելով. "Մի՛ յոգնեցներ զիս. դռները արդէն իսկ գոցած են եւ փոքրիկներս քովս անկողինին մէջ են. հետեւաբար չեմ կրնար ելլել տալ քեզի":

Վստահ եղէ՛ք, որ նոյնիսկ եթէ բարեկամութեան սիրոյն չելլէ եւ անոր ուզածը չտայ, սակայն թախանձանքներուն տեղի տալով պիտի կատարէ անոր խնդրանքը: Եւ ես կ'ըսեմ ձեզի. խնդրեցէ՛ք Աստուծմէ եւ պիտի տայ ձեզի, փնտռեցէ՛ք եւ պիտի գտնէք, բախեցէ՛ք եւ պիտի բացուի ձեզի: Որովհետեւ խնդրողը պիտի ստանայ, փնտռողը պիտի գտնէ եւ բախողին առջեւ դուռը պիտի բացուի: Չեր մէջ կա՞յ հայր մը, որուն զաւակը ձուկ ուզէ եւ ինք ձուկի փոխարէն օձ տայ եւ կամ կարիճ տայ՝ երբ զաւակը հաւկիթ խնդրէ: Արդ, դուք որ այսքան չար էք եւ զիտէք ձեր զաւակներուն լաւ պարգեւներ տալ, վստահ եղէ՛ք որ ձեր երկնաւոր Հայրը շատ աւելի լաւ պարգեւ մը՝ Սուրբ Հոգին պիտի տայ անոնց, որոնք իրեն կը դիմեն»:

**ՄԱՐԳԱՐԷԱԿԱՆ ԳԻՐՔԵՐ  
ՊՕՂՈՍ ԱՌԱՔԵԱԼԻ ԵՎԱՄԱԿՆԵՐ**

**ԵՍԱՅԻ ՄԱՐԳԱՐԷԻ ԳԻՐՔԷՆ  
29.11-20**

Չեզի տրուած այս բոլոր պատգամները փակ պիտի մնան այս կնքուած գիրքին բովանդակութեան պէս, որ երբ կարդալ գիտցողի մը տան եւ ըսեն «Կարդա», պիտի պատասխանէ. «Չեմ կրնար կարդալ, քանի կնքուած է». իսկ երբ անգրագէտ մէկուն տան եւ ըսեն «Կարդա», պիտի պատասխանէ. «Կարդալ չեմ գիտեր»: Տէրը կ'ըսէ. «Այս ժողովուրդը միայն խօսքով մօտիկ է ինձի. իրենց շրթներով կը պատուեն զիս, բայց սիրտով հեռու եւ կտրուած են ինձմէ: Չոր տեղը զիս կը պաշտեն, երբ իմ պատուէրներուս փոխարէն մարդոց հնարած պատուէրներն ու տեսութիւնները կը սորվեցնեն»:

Ուստի ես ալ զիրենք պիտի պատժեմ եւ իրենց միտքերը պիտի փոխեմ: Իմաստուններուն իմաստութիւնը պիտի խափանեմ, խելացիներուն խելքը պիտի կորսնցնեմ»:

Վա՛յ անոնց, որոնք կը փորձեն Տիրոջմէ պահել իրենց անօրէն խորհուրդները: Վա՛յ անոնց, որոնք ծածուկ ծրագիրներ կ'որոճան եւ մութին մէջ կը գործեն, ըսելով. «Ո՞վ մեզ պիտի տեսնէ, ո՞վ պիտի ճանչնայ մեզ կամ գիտնայ՝ ինչ որ կ'ընենք»:

Վա՛յ ձեզի, ո՞վ կամակոր մարդիկ, մոռցա՞ք որ դուք կա եք եւ Աստուած է բրուտը: Միթէ ստեղծուածը կրնա՞յ իր ստեղծիչին ըսել՝ «Դուն չստեղծացիր զիս», կամ արարածը կրնա՞յ իր արարիչին ըսել՝ «Չիս իմաստութեամբ չես ստեղծած»:



*Ի վերջոյ, եղբայրներ, խորհեցէ՛ք այն բաները, որոնք ճշմարիտ են, պարկեշտ, արդար, մաքուր, սիրելի, բարեհամբաւ, առաքինի եւ գովելի: Եւ գործքով կատարեցէ՛ք այն, ինչ որ ինձմէ սորվեցաք եւ ընդունեցիք, ինձմէ լսեցիք եւ իմ վրաս տեսաք եւ Աստուած, որ խաղաղութիւն կու տայ, ձեզի հետ պիտի ըլլայ:*

*Մեծապէս ուրախացայ Տիրոջմով, որ վերջապէս ձեր միտքը ինկայ եւ ինձմով հետաքրքրուեցաք: Գիտեմ, որ նախապէս ալ կը հետաքրքրուէիք ինձմով, բայց զայն արտայայտելու առիթը չունէիք: Ըսել չեմ ուզեր, թէ բանի մը կարօտ եմ, որովհետեւ ես ունեցածովս գոհ ըլլալու վարժուած եմ: Չքաւորութիւն ալ ճանչցայ, առատութիւն ալ տեսայ: Վարժուեցայ ամէն տեսակի կացութիւններու եւ պայմաններու. թէ՛ կուշտ ըլլալու եւ թէ՛ անօթի մնալու, թէ՛ առատութեան եւ թէ՛ չքաւորութեան: Ամէն ինչ կրնամ տանիլ շնորհիւ Քրիստոսի, որ զիս զօրացուց: Բայց լաւ ըրիք, որ ինձի օգնեցիք նեղութեանս մէջ: Դուք ալ զիտէք, ո՞վ փրկիպպեցինք, թէ սկիզբը, երբ ես Մակեդոնիա եկայ Աւետարանը քարոզելու, ձեզմէ գատ որեւէ ուրիշ եկեղեցի չմտածեց իր ստացած հոգեւոր բարիքներուն փոխարէն նիւթապէս ինձի օգնելու մասին. մինչ դուք մէկ-երկու անգամ մինչեւ իսկ Սելանիկ զրկեցիք, ինչ որ ինձի պէտք էր:*

**ՍՈՒՐԵՐ ԵՒ ՏՕՆԵՐ  
ՍՐԲՈՑ ԱՌԱՔԵԼՈՑՆ՝  
ԱՆԴՐԷՅԻ ԵՒ ՓԻԼԻՊՊՈՍԻ**

**Անդրեաս Առաքեալ**

Անդրեաս առաքեալ Պետրոս առաքելի եղբայրն է, որ Գալիլիոյ լիճին եզերքը իր եղբօրը՝ Պետրոսի հետ, կը կանչուի Քրիստոսի կողմէ առաքելութեան:

Անդրեաս նախապէս եղած է Յովհաննէս Մկրտիչի աշակերտը եւ լսած ըլլալով Յովհաննէսի վկայութիւնը Յիսուսի մասին նախքան Յիսուսէ կանչուիլը, արդէն անպաշտօն հետեւողը եղած է Յիսուսի եւ այդ պատճառով կոչուած է Նախակոչ առաքեալ:

Անդրեաս առաքեալ շատ քիչ կը յիշուի աւետարաններուն մէջ: Աւանդաբար կ'ըսուի թէ եղած է Սկիւթացիներուն քարոզիչ առաքեալը եւ սակայն եկեղեցի չէ հիմնած այնտեղ: Նաեւ քարոզած կը նկատուի Հիւսիսային Յունաստանի մէջ, եւ նահատակուած Բաթրաս քաղաքին մէջ բազմապատկութեան նշանին նման խաչի մը վրայ, որով խաչի այդ ձեւը կը կոչուի նաեւ Ս. Անդրեասի Խաչ:

**Փիլիպպոս Առաքեալ**

Փիլիպպոս առաքեալ Բեթսահիդայէն էր, Անդրեաս եւ Պետրոս առաքելներուն քաղաքէն (Յե. 1.44):

Յիսուս երբ կը կանչէ զինք առաքելութեան, Փիլիպպոս առաքեալ առանց ժամանակ կորսնցնելու կ'երթայ եւ կ'աւետէ Նաթանայէլին, թէ գտած են այն մարդը, որու մասին Օրէնքի գիրքին մէջ գրուած է (Յե. 1.45):

Փիլիպպոս առաքեալ երեք տարիներ հետեւելէ ետք Քրիստոսի, միւս առաքելներուն նման, կ'անցնի առաքելութեան եւ ըստ աւանդութեան կը քարոզէ Փոֆր Ասիոյ մէջ եւ կը նահատակուի խաչելութեամբ:

**ՏԵՐՈՒԹԵԱՆ ԿԱՄ ՄՏԱՀՈԳՈՒԹԵԱՆ  
ՊԱՀԵՐՈՒ ԸՆԹԵՐՑՈՒՄ**

Որք պիտի չձգեմ ձեզ. կրկին պիտի գամ ձեզի: Մօտ ատենէն այլեւս աշխարհը զիս պիտի չտեսնէ, բայց դուք պիտի տեսնէք զիս, որովհետեւ ես կ'ապրիմ եւ դուք ալ պիտի ապրիք: Այն օրը դուք պիտի գիտնաք, թէ ես Հօրս մէջ եմ, դուք իմ մէջս եւ ես՝ ձեր մէջ: Ով, որ կ'ընդունի իմ պատուիրաններս եւ կը գործադրէ զանոնք, ա՛ն է, որ զիս կը սիրէ: Եւ Հայրս պիտի սիրէ զիս սիրողը: Ես ալ պիտի սիրեմ զայն եւ ինքզինքնս յայտնեմ անոր:

Խաղաղութիւն կը թողում ձեզի: Իմ խաղաղութիւնս է, որ կու տամ ձեզի, որ այս աշխարհի տուած խաղաղութենէն տարբեր է: Մի՛ խոնկիք ու մի՛ վախճաք: Լսեցիք, ինչ որ ըսի ձեզի, թէ՛ «Ահա կ'երթամ, բայց կրկին պիտի գամ ձեզի»: Եթէ զիս սիրէիք, ուրախ պիտի ըլլայիք, որ Հօրս կ'երթամ, որովհետեւ Հայրս ինձմէ մեծ է: Այս բոլորը ձեզի ըսի նախքան պատահիլը, որպէսզի երբ պատահի՝ այն ատեն հաւատաք: Այլեւս երկար պիտի չիսուիմ ձեզի, որովհետեւ ահա կու գայ այս աշխարհի իշխանը, որ իմ վրաս ո՛չ մէկ իշխանութիւն ունի: Բայց աշխարհը պէտք է գիտնայ, թէ ես Հայրը կը սիրեմ եւ այդ է պատճառը, որ ինձի բոլոր պատուիրածները կը կատարեմ: (Յով. 14.15-27,27-31)